

ऋग्वेद मण्डल १० सूक्त १२९ | Rigveda Mandala 10 Sukta 129

ऋषिः - प्रजापतिः परमेश्ठी | देवताः - भाववृत्तम् ।

छन्दः - १ - ३ निचृत्त्रिष्टुप् | ४ - ६ त्रिष्टुप् | ७ पादनिचृत्त्रिष्टुप् ।

Rishiḥ - prajaapatiḥ paramēṣṭhī, **Devataaḥ** bhaavavṛttam

Chhandah - 1 - 3 nichrit triṣṭup. 4 - 6 triṣṭup. 7 paada nichrit triṣṭup

नास॑दासी॒न्नो सदा॑सी॒त्तदानीं॑ नासी॒द्रजो॑ नो व्यो॒मा पुरो॑ यत् ।

किमा॑वरी॒वः कुह॑ कस्य॒ शर्म॑न्नम्भः॒ किमा॑सी॒द्गहनं॑ गभी॒रम् ॥ १ ॥

न अस॑त् आसी॒त् नो इति॑ सत् आसी॒त् तदानी॑म् न आसी॒त् रजः॑ नो इति॑ वि॒ऽओम्
पुरः॑ यत् । किम् आ अ॒वरी॒वः इति॑ कुह॑ कस्य॒ शर्मन्॑ अम्भः॒ किम् आसी॒त् गहन॑म्
गभी॒रम् ॥

1. Om na-asad-aaseen-no sad-aaseet-tadaaneen na-aseed-rajo no vy-
omaa paro yat. Kim-aa-vareevah kuha kasya sharmann-ambhah kim-
aaseed-gahanan gabheeram.

न मृ॒त्युरा॑सी॒दमृतं॑ न तर्हि॑ न रात्र्या॒ अहन॑ आसी॒त्प्रके॑तः ।

आनी॑दवा॒तं स्व॒धया॒ तदेकं॑ तस्मा॑द्हा॒न्यन्न॑ पुरः॑ किं च॒नास॑ ॥ २ ॥

न मृ॒त्युः आसी॒त् अमृत॑म् न तर्हि॑ न रात्र्याः॒ अहनः॑ आसी॒त् प्र॒ऽके॑तः ।
आनी॑त् अ॒वा॒तम् स्व॒धया॒ तत् एक॑म् तस्मा॑त् ह॒ अन्य॑त् न पुरः॑ किम् च॒न आस॑ ॥

2. Om na mrityur-aaseed-amritan na tarhi na raatryaa ahna aaseet-pra-
ketah. aaneed-avaatan svadhayaa tad-ekan tasmaad-ha-anyan-na
parah kiñ chan-aasa

तम॑ आसी॒त्तम॑सा गू॒ळह॑मग्रे॒ऽप्रके॑तं स॒लिलं॑ सर्व॒मा इ॒दम् ।

तुच्छ॑येना॒भ्वपि॑हितं॒ यदासी॒त्तप॑सस्तन्म॒हिनाजा॑य॒तैक॑म् ॥ ३ ॥

तमः॑ आसी॒त् तम॑सा गू॒ळह॑म् अग्रे॒ अ॒प्र॒ऽके॑तम् स॒लिल॑म् सर्व॒म् आः इ॒दम् ।
तुच्छ॑येन॒ आभु॑ अपि॒ऽहित॑म् यत् आसी॒त् तप॑सः॒ तत् म॒हिना॑ अ॒जा॒य॒त् एक॑म् ॥

3. Om tama aaseet-tamasaa goolaham-agre'pra-ketan salilan sarvamaa
idam. tuchchhyena-abhv-api-hitan yad-aaseet-tapasas-tan-mahina-
ajaayata-ikam Rigveda 10.129.3

काम॑स्तदग्रे॒ सम॑वर्त॒ताधि॑ मन॑सो॒ रेतः॑ प्रथ॒मं यदासी॑त् ।

स॒तो ब॑न्धुमस॑ति॒ निर॑विन्दन् हृदि॑ प्र॒तीष्या॑ क॒वयो॑ मनी॒षा ॥ ४ ॥

कामः॑ तत् अग्रे॒ सम् अ॒वर्त॑त् अधि॑ मन॑सः॒ रेतः॑ प्रथ॒मम् यत् आसी॑त् ।
स॒तः ब॑न्धुम् अस॑ति॒ निः अ॒वि॒न्दन् हृदि॑ प्र॒ति॒ऽइष्य॑ क॒वयः॑ म॒नी॒षा ॥

4. Om kaamas-tad-agre sam-avartata-adhi manaso retah prathamam yad-aaseet. sato bandhum-asati nir-avindan hridi prate-eṣhyaa kavayo maneeṣhaa. Rigveda 10.129.4

तिर॒श्चीनो॑ वि॒ततो॑ रु॒श्मिरे॑षाम॒धः स्वि॑दासी॒ऽदुपरि॑ स्वि॒दासी॑ऽत् ।
रेतो॒धा आ॑सन्महि॒मान आ॑सन्त्स्व॒धा अ॒वस्ता॑त्प्रय॒तिः प॒रस्ता॑त् ॥ ५ ॥
तिर॒श्चीनः॑ वि॒ततः॑ रु॒श्मिः ए॒षाम् अ॒धः स्वि॒त् आ॑सी॒ऽत् उ॒परि॑ स्वि॒त् आ॑सी॒ऽत् ।
रेतः॑ऽधाः आ॒सन् म॒हिमानः॑ आ॒सन् म॒हिमान॑ आ॒सन् स्व॒धा अ॒वस्ता॑त् प्र॒यतिः॑
प॒रस्ता॑त् ॥

5. Om tirashcheeno vitato rashmir-eṣhaam-adhaḥ svid-aasee3d-upari svid-aasee3t. retodhaa aasan-mahimaana aasant-svadhaa avastaat-pra-yatih parastaat. Rigveda 10.129.5

को अ॒द्धा वे॒द क इ॒ह प्र॒वोच॑त्कु॒त आ॒जाता॑ कु॒त इ॒यं वि॒सृष्टिः॑ ।
अ॒र्वाग्दे॒वा अ॒स्य वि॒सर्ज॑ने॒नाथा॑ को वे॒द यत॑ आ॒ब॒भूव॑ ॥ ६ ॥
कः अ॒द्धा वे॒द कः इ॒ह प्र॒वोच॑त् कु॒तः आ॒जाता॑ कु॒तः इ॒यम् वि॒सृष्टिः॑ ।
अ॒र्वाक् दे॒वाः अ॒स्य वि॒सर्ज॑नेन अथ॑ कः वे॒द यतः॑ आ॒ब॒भूव॑ ॥

6. Om ko addhaa veda ka iha pra-vochat-kuta aajaataa kuta iyam vi-sriṣṭiḥ. arvaag-devaa asya vi-sarjanena-athaa ko veda yata aa-babhoova Rigveda 10.129.6

इ॒यं वि॒सृष्टि॑र्यत॑ आ॒ब॒भूव॑ यदि॑ वा द॒धे यदि॑ वा॒ न ।
यो अ॒स्याध्य॑क्षः प॒रमे॑ व्यो॒मन्त्सो॑ अ॒ङ्ग वे॒द यदि॑ वा॒ न वे॒द ॥ ७ ॥
इ॒यम् वि॒सृष्टिः॑ यतः॑ आ॒ब॒भूव॑ यदि॑ वा॒ द॒धे यदि॑ वा॒ न ।
यः अ॒स्य अ॒धि॑ऽअक्षः प॒रमे॑ वि॒सोम॑न् सः अ॒ङ्ग वे॒द यदि॑ वा॒ न वे॒द ॥

7. Om iyam vi-sriṣṭir-yata aa-babhoova yadi vaa dadhe yadi vaa na. yo asyaadhy-akṣhaḥ parame vy-omantso aṅga veda yadi vaa na veda. Rigveda 10.129.7